

Tusagassiorfinnut Nalunaarut Pressemeddelelse

Meeqqaat Illersuisuat: Aallarniutaavoq

21. august 2020

- Inaarutaasumik nalunaarut "Kalaallit Nunaanni meeqqanut inuusuttunullu atugarliortunut pitsaanerusumik suliniuteqarnissaq pillugu kalaallit qallunaallu oqarfussaasoqarfiisa assigiinngitsunik suliallit akornanni suleqatigiinneq" isumalluarfigaara, Meeqqaat Illersuisuat, Aviâja Egede Lynge, oqarpoq

Isumaginninnermut Naalakkersuisup Martha Abelsenip aamma danskit isumaginninnermut naalakkersuisuata Astrid Kragip Kalaallit Nunaanni meeqqaat inuusuttullu atugarliortut ikiorserneqarnissaat pillugu innersuussutit 16-it ulloqeqqata siornatigut saqqummiuppaat. Suliaq tamanna ukiup ataatsip missaani ingerlasimavoq, tassani ilaatigut oqartussanut, ilinniarfeqarfinni peqqinnissaarfennilu immikkut ilisimasalinnut, Kalaallit Nunaata Politivinut, Pinerluttunik Isumaginnittunut minnerunngitsumillu Meeqqaat Pisinnaatitaaffii pillugit Sullissivimmut MIO-mut misilitakkanik ilisimasanillu piniartoqarsimavoq.

Innersuussutit 16-it qulequtarisaat tassaapput siusissukkut suliniuteqartarneq pinaveersaartsisarnerlu, kommuunini sullissinermik pitsanngorsaaneq, meeqqanut inuusuttunullu atugarliortunut neqeroorutit amerlanerusut kiisalu meeqqat inuusuttullu kinguaassiutikkut atornerlunneqarsimasut inatsisitigut illersugaanerat pitsanngorsaaneq. Innersuussutit suliamut arlalitsigut ingerlareersumut pingaarutilimmumt pisarialimmullu aallarniuttaalluassasut Meeqqaat Illersuisuat isumaqarpoq.

Angajoqqaat meeqqaminnik sumiginnaasarnerat akiorniarlugu nuna tamakkerlugu Naalakkersuisut iliuusissanut pilersaarutaat siorna saqqummerpoq, taanna meeqqanut ilaqtariinnullu suliassaqarfimmut oqartussaasoqarfiit assigiinngitsunik suliallit akornanni suleqatigiilluni siunissaq ungasinnerusoq eqqarsaatigalugu iliuusissanut pilersaarutaavoq. Piffissami 2020-imiit 2030-imiut



Meeqqaat tamarmik naleqarput

Alle børn er værdifulde

All children are valuable

kommunit sullissinerat iliuusissanut pilersaarutip patajaallisassavaa, taamaalilluni meeqqaat taakkulu ilaquaat pitsaanerusumik tapersorsorneqarsinnaaniassammata ikinnerusullu sumiginnagaallutik peroriartorsinnaaniassammata.

- *Nuna tamakkerlugu iliuusissatut pilersaarut pigereerparput, taamaattumik meeqqanut inuusuttunullu atugarliortunut pitsaanerusumik suliniuteqarnissaq pillugu nalunaarummi nutaami innersuussutit pilersaarusiortigineqarnerat pingaarnersiorneqarnerisalu takunissaat qilanaaraara, oqarpoq.*

Naalagaaffiit Peqatigiit Meeqqaat pillugit Isumaqatigiissutaanni artikel 3 innersuussutigaa, tassani pineqarpoq aalajangiisoqassatillugu meeqqamut pitsaanerpaaq naalagaaffiup qulakkiissagaa:

- *Suliami uani pingaarutilimmi innuttaasut minnerunngitsumillu meeqqaat inuusuttullu akuutinneqarnissaat eqqaamasariaqarpoq, taamatuttaaq meeraq pillugu sumiiffinnut naleqquutnik iliuusissatut pilersaarusiortoqarnissaa pingaaruteqarluni.*

Asannittumik inuullaqqusillunga

Med Kærlig hilsen

Aviája Egede Lynge

Meeqqaat Illersuisuat

Børnetalsmand

Avi@mio.gl

Tlf.: +299 531274

MIO

Meeqqaat pisinnaatitaaffiinik sullissivik
Børnerettighedsinstitution
National Advocacy for Children Rights

Postboks 1290

Quillilerfik 2, nr. 801-2
3900 Nuuk
Kalaallit Nunaat • Grønland • Greenland

Tel.: +299 34 69 40

Mail: mio@mio.gl
www.mio.gl